



S M J E R N I C E
Z A T R O G O D I Š N J E P L A N I R A N J E R A D A
O P Ć I N E B O S A N S K I P E T R O V A C
Z A P E R I O D 2 0 2 5 . - 2 0 2 7 . G O D I N E

Sadržaj

1. Svrha Smjernica	2
2. Kratak osvrt na opšti razvojni kontekst uključujući izazove i rizike	2
3. Strateški pravci razvoja.....	5
4. Strateški pioriteti, mjere i projekti	7
5. Indikativni finansijski okvir	10
Aneks 1: Akcioni plan za period 2025.-2027. godine.....	

1. Svrha Smjernica

Izrada Smjernica za trogodišnje planiranje rada Općine Bosanski Petrovac za period 2025.-2027. godine (u daljem tekstu: Smjernice) obaveza je u skladu sa Uredbom o trogodišnjem i godišnjem planiranju rada, monitoringu i izveštavanju u Federaciji Bosne i Hercegovine (u daljem tekstu: FBiH) („Službene novine Federacije BiH“, broj: 74/19 i 2/21) (u daljem tekstu: Uredba). Smjernice predstavljaju osnovu za planiranje rada općinskog organa uprave u naredne tri godine, kako bi se na adekvatan način uključili razvojni prioriteti koji su definisani Strategijom razvoja općine Bosanski Petrovac za period 2021.-2027. godina, Okvirom za implementaciju ciljeva održivog razvoja u BiH i drugim relevantnim dokumentima. Smjernice imaju za cilj da potenciraju ključne aktivnosti koje je neophodno poduzeti u narednom planskom ciklusu, a koje imaju sinergijski efekat za više oblasti društveno-ekonomskog života.

Uredbom su propisani minimalni elementi Smjernica, a iste se izrađuju svake godine za period od tri godine (1+2) i pripremaju se u skladu sa strateškim dokumentom općine Bosanski Petrovac. Pored toga što predstavljaju usmjerenje za budući rad organa uprave, Smjernice služe i ostalim zainteresovanim stranama (vaninstitucionalnim akterima) kao vodilja za planiranje i implementaciju konkretnih projekata i aktivnosti u narednom trogodišnjem periodu.

Također, ovim Smjernicama želimo da pokažemo jasnu opredijeljenost Općine Bosanski Petrovac na implementaciji Ciljeva održivog razvoja, obzirom da se oni implementiraju putem Strategije razvoja općine Bosanski Petrovac koja je usaglašena sa Ciljevima održivog razvoja¹.



2. Kratak osvrt na opšti razvojni kontekst uključujući izazove i rizike

Općina Bosanski Petrovac se svrstava među nerazvijene općine u Federaciji BiH, a u posljednjih nekoliko godina pala je za dodatnih 6 mesta, sa 58. na 64. mjesto. Padu je najviše doprinio pad indikatora kretanja stanovništva sa 0,48 u 2018. na 0,13 u 2019. godini, odnosno, smanjenje procijenjenog broja stanovnika 2019. godine u odnosu na 2013. godinu za 854, dok je u 2018. godini smanjenje bilo 708 stanovnika. Broj stanovnika općine Bosanski Petrovac, od popisa iz 1961. godine pa do zadnjeg zvaničnog popisa iz 2013. godine, ima stalnu tendenciju

¹Na konferenciji Ujedinjenih naroda o održivom razvoju, održanoj u New Yorku 25. septembra 2015., svjetski čelnici usvojili su tzv. Agendu 2030. u okviru koje je definisano 17 ciljeva održivog razvoja (Sustainable Development Goals - SDG)

pada. Tako je 1961. godine bilo 20.198 stanovnika, 1991. godine - 15.621 stanovnika, a 2013. godine 7.328 stanovnika (od toga 3.678 muškaraca i 3.650 žena). Sadašnje brojčano stanje stanovništva na području općine Bosanski Petrovac teško je utvrditi jer postoje različiti zvanični podaci. Prema podacima Federalnog zavoda za statistiku FBiH broj stanovnika u Bosanskom Petrovcu u 2022. godini bio je 5960 što je u odnosu na 2021. Kada je broj stanovnika bio 6.137 za 177 manje. Posmatrano iz demografske perspektive, Bosanski Petrovac je općina sa najmanje stanovnika u Unsko-sanskom kantonu. Najveći procenat stanovništva čini radno aktivna skupina od 15-64 godine ili 63.1%, dok skupina u dobi od 0-14 godine čini najmanji procenat stanovništva ili 11,8%. Udio stanovništva starijeg od 65 godina je preko 25% što je gotovo dvostruko više u odnosu na prosjek u Unsko-sanskom kantonu gdje stanovništvo te starosne kategorije učestvuje sa 13% u ukupnoj strukturi stanovništva. Prirodni priraštaj stanovništva je negativan, sa daljom negativnom tendencijom, s obzirom da je broj umrlih, posmatrano u periodu od 2015. do 2022. godine, konstantno veći od broja rođenih. (u 2022. godini broj živorođenih je 29, umrlih 98)

Drugi faktor koji je uticao na smanjenje broja stanovnika su migracije. U periodu od 1991. godine pa sve do današnjih dana prisutan je veliki stepen migracionih kretanja stanovništva općine Bosanski Petrovac. Značajna migraciona kretanja stanovništva dešavala su se u toku rata sa statusom izbjeglih i raseljenih osoba. Drugi razlozi migracije stanovništva su nezaposlenost, nepovoljni uslovi i relativno nizak životni standard. Zabrinjava činjenica da odlaze mladi ljudi i visokoobrazovani kadrovi. U proteklih pet godina oko 173 stanovnika u prosjeku godišnje napusti općinu, a broj stanovnika koji su se iselili iz općine na godišnjem nivou je veći od broja osoba koje su doselile na područje općine. Velik broj stanovnika se odseljava u evropske zemlje, te je s tog aspekta neophodno poduzimati adekvatne mјere poput pružanja finansijske i stambene podrške, usklađivanja porodiljstva s radnim i drugim obavezama koje bi pružile sigurnost ostanka i dobre uslove života.

Na kraju 2022. godine, **vrijednost izvoza** u općini Bosanski Petrovac je iznosila 82.155.709 KM, a uvoza 49.628.298 KM, a prosječna mјesečna neto plata u općini Bosanski Petrovac iznosi 924 KM. Prihodi od poreza na dohodak iznose 1.134.455 KM dok su u 2021. godini iznosili 1.008.030 KM. Broj poslovnih subjekata u 2022. godini je iznosio 506.

Općina Bosanski Petrovac raspolaže značajnim prirodnim bogatstvima gdje se ističu šume, i zemljište pogodno za razvoj poljoprivrede, kao i bogatim kulturno-historijskim nasljeđem.

Pozitivni pokazatelji koje općina ima u smislu broja registrovanih poslovnih subjekata po glavi stanovnika i pokrivenosti uvoza izvozom govore u prilog tome da se Bosanski Petrovac može afirmisati kao povoljna sredina za razvoj poslovanja. Međutim, kako bi se osiguralo privlačenje novih investitora u budućem periodu, kao i ostanak postojećih, neophodno je planiranje i implementacija strateških intervencija i mјera ka onim područjima gdje postoje izražene komparativne prednosti i interes za proizvodnju proizvoda više dodatne vrijednosti i zapošljavanje kao što su drvoprerada, turizam i poljoprivreda. Prirodni resursi se mogu koristiti u većoj mjeri pošto trenutni stepen korištenja ovih resursa, na primjer poljoprivrednih površina, nije na zadovoljavajućem nivou. Moguće je povezivanje poljoprivredne proizvodnje sa prerađivačkom industrijom, ali i sa turističkom ponudom.

U oblasti turizma postoje vrijedni i značajni potencijali koji nisu valorizovani. U tom smislu neophodno je unaprijediti postojeću turističku ponudu kroz izgradnju potrebne infrastrukture i bolje uvezivanje turističkih sadržaja. To podrazumijeva izgradnju smještajnih kapaciteta,

kreiranje specifične ponude i promociju rekreativnog, kulturnog, vjerskog, lovnog, te etno ili agro turizma. Podaci o prihodima u sektoru turizma, broju noćenja i broju posjeta turista nisu do sada praćeni na lokalnom nivou i nisu dostupni za analizu , potrebno je u narednom periodu uspostaviti mehanizam za praćenje podataka kako bi se stvorila analitička osnova za upravljanje razvojem turizma na području općine Bosanski Petrovac.

Kada govorimo o **obrazovanju** općina je u 2022. Godini imala 352 učenika, u 2021. godini imala 372 što je znatno manje u odnosu na 2020 kada je školu pohađalo 406 učenika u osnovnom obrazovanju, dok je taj broj za srednje obrazovanje iznosio u 2022. Godini 180 u 2021. godini 184, u 2020 godini je broj iznosio 205 učenika ,gdje je također vidljiv pad u broju učenika. Vidljiv je trend opadanja broja učenika od 2015. godine. Već dugi niz godina postoji neusklađenost obrazovnog sistema sa potrebama tržišta rada. Što se tiče predškolskog obrazovanja na osnovu iskazanih potreba otvorena je nova vrtićka grupa, za koje je općina osigurala budžetom sredstva za sufinansiranje iste uz saglasnost resornog ministarstva.

Zdravstvene usluge na području općine pruža Dom zdravlja Bosanski Petrovac sa jednom područnom ambulantom u Krnjevići i ukupno tri tima porodične medicine. Dom zdravlja se najvećim dijelom finansira putem Zavoda za zdravstveno osiguranje, kao i sve zdravstvene ustanove na području kantona u državnom vlasništvu. Na većinu specijalističkih pregleda i na bolničko liječenje pacijenti se upućuju u Bihać, koji je udaljen 54 km. Područje općine pokrivaju četiri ljekara opće prakse, jedan specijalista i jedan stomatolog sa zdravstvenim radnicima. U svrhu unapređenja uslova rada Doma zdravlja, u narednom periodu implementacije Strategije neophodna je sanacija Doma zdravlja i opremanje ove ustanove te stavljanje u funkciju dijela viška prostora sa kojim raspolaže ova ustanova. U sferi **socijalne zaštite** ključnu ulogu obavlja JU "Centar za socijalni rad" Bosanski Petrovac koju je osnovalo Općinsko vijeće Općine Bosanski Petrovac radi obavaljanja poslova neposredne socijalne zaštite, zaštite civilnih žrtava rata i zaštite porodice sa djecom utvrđenih federalnim i kantonalnim zakonom o socijalnoj zaštiti. Centar za socijalni rad posluje sa 6 uposlenika u radnom odnosu i to 4 stručna radnika, 1 administrativnim radnikom i direktorom što je minimalno potrebno za njegovo funkcionisanje. Prostorije Centra se nalaze na drugom spratu općinske zgrade, bez adekvatnog pristupa za invalidne osobe te je samim tim i rad Centra otežan. U toku je implementacija aktivnosti na izgradnji zgrade Centra za socijalni rad čime će se obezbijediti i opremiti adekvatan prostor za rad Centra za socijalni rad u okviru kojeg će raditi i Dnevni centar za zbrinjavanje osoba u stanju socijalne potrebe. **Sigurnosno stanje** općine karakteriše smanjenje broja evidentiranih krivičnih djela. Kada je u pitanju aspekt sigurnosti građana treba istaći i problem pasa latalica na području općine Bosanski Petrovac. Naime, u posljednje vrijeme zbog nepostojanja adekvatnog rješenja za njihovo zbrinjavanje, primjetan je veliki broj pasa latalica na području općine Bosanski Petrovac, s tim da ne postoji procjena njihovog broja. Zakonske odredbe propisale su kao obavezu lokalnoj upravi da neškodljivo vrši uklanjanje pasa latalica. Na području općine ne postoji izgrađeno prihvatište za pse te se nameće potreba njegove izgradnje kako bi se ispunile zakonske odredbe, građanima obezbjedio siguran boravak na ulicama, naročito u večernjim satima, sprječilo širenje zaraze, te osiguralo adekvatno zbrinjavanje pasa. Po uspostavi prihvatišta potrebno je sprovoditi aktivnosti sterilizacije i kastracije pasa te redovno praćenje podataka o broju napada pasa latalica, kroz saradnju sa Veterinarskom stanicom, Domom zdravlja i JP Komunalno gdje je općinska adminstracija već poduzela aktivnosti po pitanju ovog problema.

Zaštita vazduha i tla na teritoriji općine Bosanski Petrovac, i u bližem okruženju, nisu locirani veći zagađivači životne sredine (zemljišta i vazduha), pa se o Bosanskom Petrovcu može govoriti kao o zdravom i ekološki čistom području. Međutim, zagađivanje zemljišta je u značajnoj mjeri vezano i sa stepenom razvoja sistema upravljanja otpadom koji na području općine Bosanski Petrovac nije zadovoljavajući što se ogleda u sljedećim problemima: nesanitarna općinska deponija, pojava velikog broja divljih deponija, slaba pokrivenost organizovanim sistemom sakupljanja otpada. U pogledu **upravljanja otpadom**, **Odlukom OV-a, broj: 02/1-19-1441-7/21 od 02.12. 2021. godine usvojen je Plan upravljanja otpadom općine Bosanski Petrovac za period 2021-2025. godinu**. Treba uzeti u obzir da se produkcija otpada povećava shodno razvoju savremenog društva, kao i pokrivenosti redovnih usluga prikupljanja otpada u općini od strane komunalnog preduzeća. U toku su aktivnosti na Sanaciji deponije Vaganac.

Putna infrastruktura na području općine Bosanski Petrovac postoji 72 km magistralnih puteva, 50 km regionalnih puteva te 38 km lokalnih (nekategorisnih) puteva, od kojih su samo magistralni putevi u dobrom stanju. Sva općinska domaćinstva su pokrivena putnom infrastrukturom. U proteklom petogodišnjem periodu lokalni putevi su djelimično sanirani i rekonstruisani te se i dalje kao ključna potreba ističe sanacija preostalih lokalnih puteva koja za opći cilj ima uspostavljanje bolje saobraćajne povezanosti stanovništva, prohodnost proizvoda te bolje uvezivanje lokalnih proizvođača i tržišta. Pokrivenost općine **javnom rasvjetom** je oko 70 %. Evidentirano je oko 1650 rasvjetnih tijela, od toga 150 su led rasvjetna tijela. U svakoj MZ evidentirani su zaseoci koji nisu pokriveni javnom rasvjetom. U narednom periodu u planu je uvođenje led rasvjete i za ova područja, kao i modernizacija javne rasvjete na području općine. Što se tiče **vodosnabdjevanja općine** u periodu 2011-2019 godine, u okviru implementacije prethodnog strateškog plana rekonstruisan je vodovod i izgrađen rezervoar u MZ Bjelaj, rekonstruisan je vodovod u naselju Ploča u dužini 3.734 metra i izgrađen vodovod za MZ Smoljana. Također, radilo se i na rekonstrukciji vodovoda Bahići i Revenik, kao i vodovoda u MZ Vrtoče i izgradnji vodovoda u MZ Bravsko, čime je ostvarena pokrivenost domaćinstava pitkom vodom od 85%. Broj domaćinstava u općini koja su još uvijek bez priključka na vodovod je smanjen na 350 u odnosu na 2015. godinu, kada je taj broj iznosio 600 domaćinstava. I dalje će se raditi na aktivnostima i implementaciji projekata vodosnabdjevanja i izgradnje vodovoda.

U okviru implementacije prethodnog strateškog dokumenta, na istočnom, zapadnom i centralnom dijelu grada izgrađena je i dijelom rekonstruisana **kanalizaciona mreža** (Istočni dio-novoizgrađeno 11.200 m, Zapadni dio-novoizgrađeno 4.060 m i Centrani dio 3.200 m rekonstruisane kanalizacione mreže). Time je ukupna kanalizaciona mreža povećana na 36 km u 2015. godini. Prema procjeni trenutni broj domaćinstava bez priključka **na kanalizacionu mrežu** iznosi 1.600. U cilju daljeg unaprijeđenja upravljanja otpadnim vodama na području općine, potrebno je završiti izgradnju gradskog prečistača otpadnih voda, koja je u završnoj fazi, te izgraditi kanalizacionu mrežu za MZ Rašinovac i rješiti pitanje sekundarne kanalizacione mreže istočnog dijela grada, kao i odvodnju otpadnih i oborinskih voda.

Bitno je spomenuti da je Općina Bosanski Petrovac učesnik u MEG II projektnim aktivnostima, , a koje se odnose na unapređenje rada u pružanju javnih usluga, tačnije, unapređenje rada lokalne uprave i poboljšavanju usluga vodosnabdjevanja i upravljanja otpadnim vodama.

Energetska efikasnost sastavni je dio razvojnih smjernica svih sektora energetskog sistema. Ulaganje u unapređenje energetske efikasnosti i obnovljive izvore energije ima značajne koristi s ekonomskog, zdravstvenog i okolinskog aspekta. Posebnu pažnju treba posvetiti energetskoj efikasnosti u sektorima neposredne potrošnje, zgrada, industrije i saobraćaja, jer su tu najveći mogući efekti. Mjere energetske efikasnosti podrazumijevaju radnje i aktivnosti kojima se na provjerljiv, mjerljiv i procjenljiv način postiže poboljšanje energetske efikasnosti. To podrazumijeva toplinsku izolaciju objekata, zamjenu stolarije, te sistema za grijanje objekata. Investiranjem u energetsku efikasnost, pa i u obnovljive izvore energije, štedi se novac, koji se onda može iskoristiti na drugi način za finansiranje potrošnje, što dodatno stimuliše i ekonomski rast. Pozitivni efekti se ogledaju i u većem zapošljavanju, pogotovo u građevinskom sektoru, što je idealna prilika za stimulaciju zapošljavanja.

3. Strateški pravci razvoja

Strategija razvoja Bosanski Petrovac za period 2021.-2027. godina usvojena je na 4. redovnoj sjednici Općinskog vijeća Bosanski Petrovac dana 02.04.2021. godine („Službeni glasnik općine Bosanski Petrovac broj: 4/21). Usvojena Strategija razvoja Općina Bosanski Petrovac definisala je i uskladila razvojne pravce i prioritete općine Bosanski Petrovac sa ključnim nacionalnim i međunarodnim razvojnim dokumentima. Kroz povećanje iskorištenosti prirodnih potencijala za rast privrednih aktivnosti i unapređenju ambijenta življenja za stanovnike općine, te očuvanju zdrave životne sredine, Općina Bosanski Petrovac teži ka ostvarenju vizije razvoja – **Otvorena, prosperitetna zajednica, koja zasniva razvoj na racionalnom korištenju prirodnih resursa, ugodna za život i rad svih građana** - Iz navedenih strateških pravaca razvoja kao i vizije razvoja općine Bosanski Petrovac definisana su tri strateška cilja do 2027. godine:

1. Podignut stepen ekonomskog razvoja koji je zasnovan na znanju, inovacijama i održivom korištenju prirodnih resursa,
2. Poboljšan kvalitet života stanovnika
3. Osigurano održivo upravljanje okolišem i prirodnim resursima

Stepen realizacije definisanih strateških ciljeva će se mjeriti kroz set indikatora uticaja definisanih Strategijom razvoja općine Bosanski Petrovac do 2027. godine koji obuhvataju ekonomski razvoj, društveni razvoj te zaštitu životne sredine. Stepen ekonomskog razvoja općine Bosanski Petrovac u periodu od 2021.-2027. godine će se mjeriti kroz sljedeće indikatore:

STRATEŠKI CIJLJ 1	Indikator (uticaja)	Polazna vrijednost (2018.)	Ciljna vrijednost (2027.)
Podignut stepen ekonomskog razvoja koji je zasnovan na znanju, inovacijama i održivom korištenju prirodnih resursa	Ukupna vrijednost izvoza	39 miliona KM	60 miliona KM
	Ukupan broj zaposlenih na području općine	1.274	1.500
	Vrijednost prosječne isplaćene neto plate na području općine	757 KM	> 1.000 KM

Stepen poboljšanja kvaliteta života stanovnika mjerit će se kroz nekoliko ključnih indikatora kao što su:

STRATEŠKI CIJLJ 2	Indikator (uticaja)	Polazna vrijednost (2018.)	Ciljna vrijednost (2027.)
Poboljšan kvalitet života stanovnika	Migracioni saldo – petogodišnji prosjek	-77 stanovnika	-30 stanovnika
	Stepen razvijenosti općine Bosanski Petrovac na nivou FBiH – rang i grupa	58 (IV)	<50 (III)

Konačno, za praćenje realizacije održivog upravljanja okolišem i prirodnim resursima, definisani su sljedeći indikatori:

STRATEŠKI CIJLJ 3	Indikator (uticaja)	Polazna vrijednost (2018.)	Ciljna vrijednost (2027.)
Osigurano održivo upravljanje okolišem i prirodnim resursima	Udio komunalnog otpada koji se prikuplja i odlaže na sanitарne deponije, %	92%	100%
	% otpadnih voda obuhvaćenih kanalizacionim sistemom koje se prečišćavaju	0	100%
	Granična vrijednost izloženosti za suspendovane čestice PM2.5 – mjerno mjesto na urbanom području	n/a	< 30 µg/m3

Definisani strateški ciljevi općine Bosanski Petrovac su direktno usklađeni i proizilaze iz ključnih strateških dokumenata sa viših nivoa vlasti u Bosni i Hercegovini kao što su: Strategija razvoja FBiH 2021.-2027. godine, Strategija razvoja Unsko-sanskog kantona 2021-2027 godine. , te Okvira za realizaciju Ciljeva održivog razvoja u BiH do 2030. godine.

Kako bi se osigurao visok stepen realizacije zacrtanih strateških ciljeva općine Bosanski Petrovac do 2027. godine, Općina je usvojila i set prioriteta do 2027. godine koji pokrivaju sve oblasti od strateškog značaja za razvoj općine Bosanski Petrovac.

S ciljem podizanja stepena ekonomskog razvoja koji je zasnovan na znanju, inovacijama i održivom korištenju prirodnih resursa Općina Bosanski Petrovac će do 2027. godine raditi na realizaciji sljedećih prioriteta:

- Razvoj poljoprivrede
- Izgradnja podsticajnog preduzetničkog i investicionog okruženja
- Efektuiranje turističkih potencijala na području općine

S ciljem poboljšanja kvaliteta života stanovnika Općina Bosanski Petrovac će se do 2027. godine fokusirati na realizaciju sljedećih prioriteta:

- Proširenje obrazovnih, kulturnih i sportskih sadržaja
- Izgradnja komunalne infrastrukture i unapređenje kvaliteta i efikasnosti javnih usluga

- Podizanje nivoa socijalne inkluzije
- Sigurnost i zaštita stanovništva

Konačno, kako bi osigurali održivo upravljanje okolišem i prirodnim resursima, Općina Bosanski Petrovac će do 2027. godine usmjeriti sve raspoložive resurse na sljedeće prioritete:

- Efikasnije upravljanje otpadom, otpadnim vodama na teritoriji općine
- Smanjenje emisije CO₂ i upotrebe fosilnih goriva

4. Strateški prioriteti, mjere i projekti

Strategijom razvoja općine Bosanski Petrovac za period od 2021.-2027. godine, Općina Bosanski Petrovac se opredijelila za nekoliko strateških projekata čija realizacija bi trebala da osigura najšire pozitivne društveno-ekonomski efekte koji će doprinijeti razvoju ekonomskog i društvenog razvoja kao i zaštite životne sredine:

1. Podrška razvoju stočarske proizvodnje po sistemu krava-tele
2. Uspostavljanje poslovne zone "Pilana"
3. Izgradnja prostorija Centra za socijalni rad
4. Unapređenje sistema odvoženja otpada i proširenje pokrivenosti
5. Izgradnja sekundarnih vodova na istočnom dijelu kanalizacione mreže i izgradnja Postrojenja za prečišćavanje otpadnih voda

Kako bi se osigurala realizacija strateških projekata, ali i prioriteta definisanih Strategijom razvoja Općine Bosanski Petrovac 2021.-2027. godine kao i drugim strateškim dokumentima na višim nivoima vlasti u BiH, Općina Bosanski Petrovac će se u periodu od 2025. - 2027. primarno fokusirati na realizaciju slijedećih mera i aktivnosti koje pokrivaju ekonomski i društveni sektor, infrastrukturu i zaštitu okoliša:

- Unaprijediti održivost poljoprivrednih gazzinstava i povećati prihode u poljoprivredi kroz subvencije u poljoprivredi i subvencije za veterinarstvo za povećanje mlječnih grla, povećanje proizvodnje mlijeka, kao i povećanje plasteničke proizvodnje na području općine Bosanski Petrovac.
- Uspostavljanje održivog korištenja poljoprivrednog zemljišta i prirodnih poljoprivrednih resursa kroz učešće općine na sajmovima osigurati poljoprivrednim proizvođačima sa područja općine plasman njihovih proizvoda, te održati saradnju sa poljoprivrednim zavodom USK kroz Sufinansiranje izvještajno prognoze službe Poljoprivrednog zavoda USK-a.
- Unaprijediti održivost postojećih obrta i podsticanje za otvaranje novih kroz podršku u vidu novčanih podsticaja i podrška obrtnicima u pripremi dokumentacije za korištenje dostupnih finansijskih izvora finansiranja
- Unapređenje poslovne infrastrukture i promocija općine za privlačenje novih investicija kroz izgradnju nove i unapređenje postojeće infrastrukture u Poslovnom zonama

- Promocija turističke i kulturne ponude općine Bosanski Petrovac planiranjem i održavanjem Manifestacija na području općine Bosanski Petrovac.
- Unapređenje turističke infrastrukture općine Bosanski Petrovac- nastaviti sa realizacijom projektnih aktivnosti na Istraživačko i konzervatorsko-restauratorski radovi i radovi na tekućem održavanju Starog grada Bjelaj
- Uvezivanje smještajnih kapaciteta na teritoriji općine u funkciji razvoja cjelokupne turističke ponude kroz Subvencije za poticaj i razvoj poduzetništva i turizma
- Razvoj kulture i sporta-nastaviti sa projektnim aktivnostima sanacije Spomen Muzeja Jovan Bijelić, te osigurati novčanu podršku za unapređenje sportskih sadržaja na području općine kroz Transfer za Sportski savez i Transfer za Sport NK Mladost, te Izgradnja nogometnog stadiona „Mladost“
- Nastaviti pružati podršku razvoju obrazovanja i aktivnostima djece i mladih . Stipendiranjem-novčane podrške studentima, Transfer za prevoz učenika (100% cijene karte) , Projekat Omladinske Banke, Transfer za vijeće mladih, Transfer za obrazovne ustanove (OŠ, MSŠ, Dječiji vrtić i Muzička škola).
- Unapređenje institucionalne saradnje između privrednika, obrazovnih institucija i općine kroz sufinansiranje zapošljavanja pripravnika i volontera u privrednim subjektima, JU i poduzećima; Socijalni dani-angažovanje srednjoškolaca
- Nastaviti sa projektima izgradnje putne infrastrukture s ciljem unapređenja kvaliteta i efikasnosti javnih usluga: Održavanje puteva-ljetno održavanje puteva, Održavanje puteva-zimsko održavanje puteva, Sanacija puteva u urbanom dijelu grada, Asfaltiranje makadamskih puteva, Asfaltiranje parking prostora u Naselju Skendera Kulenovića Asfaltiranje saobraćajnice škola-Vrtoče MZ Bjelaj.
- Nastaviti sa elektrifikacijom ruralnih područja,te realizacijom projekata : Izgradnja javne rasvjete, Održavanje javne rasvjete, Troškovi javne rasvjete, Modernizacija javne rasvjete, . Elektrifikacija sela Janjili u MZ Kapljuh, s ciljem unapređenja kvaliteta i efikasnosti javnih usluga
- Unapređenje vodovodne infrastrukture i vodosnadbjevanja stanovništva na području općine Bosanski Petrovac realizacijom projekata: Izgradnja vodovoda Podzid, Rekonstrukcija vodovodne mreže za naselje Revenik-MZ Kolunić (nastavak), Izgradnja spojnog voda centralnog vodovodnog sistema Bosanskog Petrovac na lokalni vodovod Bjelaj sa postojeće lokacije u Bjelaskom Vagancu-MZ Bjelaj (nastavak), Poboljšanje vodosnabdjevanja u MZ Krnjeuša, područje izvorište Salati I i II, izvorište Suvaca
- Unapređenje rada u organima uprave kroz finansijsku podršku za obrazovanje kadrova , Usluge stručnog obrazovanja, Nabavka računara, nabavka i ugradnja video nadzora, Nabavka opreme , te osiguranje dodatnih finansijskih sredstava za realizaciju strateških projekata iz budžeta općine .
- Proširenje kapaciteta za pružanje usluga socijalne zaštite na području općine Bosanski Petrovac realizovaće se kroz projekat Readmisija-učešće općine, Transfer za prevoz djece soc.inkluzija, sufinansiranje prevoza soc.ugroženih kategorija stanovništva , Grantovi pojedincima-nužni i alternativni smještaj, Naknade i transferi za socijalnu zaštitu, Oprema za obrazovanje-psihotestovi i stručno edukativni materijal, realizacija ovih aktivnosti doprinjeće na unapređenju socijalne zaštite na području općine Bosanski Petrovac.

- Pomoć ugroženim kategorijama stanovništva kroz jačanje saradnje sa mjesnim zajednicama i NVO sektorom- realizacija projekata po programu Savjeta MZ-a, Tekući transfer neprofitnim organizacijama, Transfer za crveni križ, Tekući transfer vjerskim zajednicama, Rekonstrukcija zgrade Crvenog križa , te Program pomoći osobama u stanju socijalne potrebe
- Unapređenje rada Civilne zaštite na području općine Bosanski Petrovac - Subvencija Domu zdravlja Bosanski Petrovac, Mjere zaštite i spašavanja, Saniranje šteta od elementarnih nepogoda, Nabavka vatrogasnih aparata, Nabavka terenskog vozila-leasing što za krajnji cilj ima intervencije i djelovanje u kriznim situacijama.
- Rješavanje problema pasa latalica kroz učešće u projektu otvaranje azila za pse i subvencije JP Veterinarska stanica za rješavanje problema pasa latalica
- Zbrinjavanje komunalnog otpada kroz Subvencije komunalnom preduzeću, Usluge uređenja javnih površina, Sanacija deponije Vaganac- dovodenje struje i radovi na infrastrukturi ,Projekat Let s doit, koji za krajnji cilj imaju unapređenje sistema upravljanja otpadom
- Unapređenje odvodnje fekalnih voda na području općine Bosanski Petrovac Izgradnjom sekundarnih vodova kanalizacione mreže, Projektovanje, nadzor i revizija nad projektom, s ciljem priključenja domaćinstva na kanalizacionu mrežu
- Energetska efikasnost i promocija obnovljivih izvora energije - Energetska efikasnost - obnova zgrada, energetska efikasnost-zgrade općine provedene mjere energetske efikasnosti.
- Promocija „čistih“ i ekoloških oblika prevoza Izgradnjom biciklističkih staza

5. Indikativni finansijski okvir

Realizacija planiranih prioriteta, mjera i strateških projekata za period od 2025.-2027. godine finansirati će se kombinacijom budžetskih sredstava općine Bosanski Petrovac, budžetskih sredstava Vlade Unsko-sanskog kantona, Federalnih ministarstava, kao i sredstvima međunarodnih donatora. Općina Bosanski Petrovac je Akcionim planom za realizaciju mjeru i strateških projekata iz Strategije razvoja općine Bosanski Petrovac za period 2025.-2027. godine predviđela **9.994.050 KM** od čega su budžetska sredstva **4.540.150 KM** i **5.453.900 KM** ostali vanjski izvori. Pored **3.716.350 KM** planiranih u 2025. godini, za 2026. godinu je planirano **3.203.350 KM**, a za 2027. godinu **3.074.350 KM**.

Za mjere i projekte planirane za realizaciju i doprinos ekonomskog razvoja koji je zasnovan na znanju, inovacijama i održivom korištenju prirodnih resursa općine Bosanski Petrovac, za period od 2025.-2027. godine planirano je oko **1.314.000 KM**. Za Poboljšan kvalitet života stanovnika Općina Bosanski Petrovac u periodu od 2025.-2027. godine planira osigurati **6.568.550 KM** budžetskih i vanbudžetskih sredstava. Konačno, za osigurano održivo upravljanje okolišem i prirodnim resursima za naredne tri godine je planirano ukupno **2.111.500 KM**.

Aneks 1: Akcioni plan za period 2025.-2027. godine

Načelnik Općine

dr.sc. Mahmut Jukić

Broj: 06-45-331- 7 /24
Bosanski Petrovac, 14. 02. 2024. god.



ALAT ZA PRIPREMU AKCIONOG PLANA 2025 DO 2027 GODINE (PO PRISTUPU 1+2)

Naziv strateškog dokumenta	Smjernice "da/ne"	Oznaka strateškog projekta	Ako je projekat zamijenjen unjeti naziv	Obrazloženje za zamjenu i dodavanje novog	Nositelj	Lokacija	Planirani rezultati	PLANIRANA SREDSTVA							
								2025	2026	2027	2025-2027.	SREDSTVA IZ BUDŽETA/ PRORAČUNA	KREDITNA SREDSTVA	OSTALI VANJSKI (izvori)	VANJSKI IZVOR (ime)
Strategija razvoja JLS Bosanski Petrovac za 2021 do 2027 godine															
<i>SC: 1. Podignut stepen ekonomskog razvoja koji je zasnovan na znanju, inovacijama i održivom korištenju prirodnih resursa</i>	x							446.000	398.000	468.000	1.314.000	569.000	0	745.000	
Prioritet 1.1. Razvoj poljoprivrede	x							223.000	223.000	245.000	689.000	479.000	0	210.000	
Mjera 1.1.1. Unapređiti održivost poljoprivrednih gazdinstava i povećati prihode u poljoprivredi								220.000	220.000	240.000	680.000	470.000	0	210.000	
1.1.1.1. Subvencije poljoprivrednoj proizvodnji					Služba za obrt, razvoj, poduzetništvo i poljoprivredu	Opcina Bosanski Petrovac	Povećane količine proizvodnje mlijeka sa 420.003 l na 642.855 l za tri godine Povećana plastenička proizvodnja za novih 1.000 m ² plastenika za tri godine	140.000	140.000	160.000	440.000	400.000	0	40.000	
1.1.1.2. Subvencije za veterinarstvo					Služba za obrt, razvoj, poduzetništvo i poljoprivredu	Opcina Bosanski Petrovac	Povećane količine proizvodnje mlijeka sa 420.003 l na 642.855 l za tri godine	10.000	10.000	10.000	30.000	30.000	0		
1.1.1.3. Podrška ugrojenim porodicama u siromašnim ruralnim područjima u Bosni i Hercegovini					Služba za obrt, razvoj, poduzetništvo i poljoprivredu	Opcina Bosanski Petrovac	Finansijski podržano 30 porodica u periodu od 3 godine, kao i tehnička podrška službi za	70.000	70.000	70.000	210.000	40.000		170.000	
Mjera 1.1.2. Uspostavljanje održivog korištenja poljoprivrednog remekija i prirodnih poljoprivrednih resursa								3.000	3.000	3.000	9.000	9.000	0	0	
1.1.2.1. Učešće na sajmu					Služba za obrt, razvoj, poduzetništvo i poljoprivredu	Opcina Bosanski Petrovac	učešće općine na najmanje dva sajma na kojem će domaći poljoprivredni proizvođači plasirati svoje proizvode	2.000	2.000	2.000	6.000	6.000	0	0	
1.1.2.2. Sufinansiranje izvještajne prognoze službe Poljoprivrednog zavoda USK-a					Služba za obrt, razvoj, poduzetništvo i poljoprivredu	Opcina Bosanski Petrovac	Nastavljena dobra saradnja sa Poljoprivrednim zavodom USK-a	1.000	1.000	1.000	3.000	3.000	0	0	
Prioritet 1.2. Izgradnja podsticajnog preduzetničkog i investicionog okruženja								130.000	80.000	130.000	340.000	50.000	0	290.000	
Mjera 1.2.1. Unapređiti održivost postojećih obrta i podsticanje za otvaranje novih kroz podršku u vidu novčanih podsticaja								30.000	30.000	30.000	90.000	0	0	90.000	
1.2.1.1. Podrška obrtnicima u pripremi dokumentacije za korištenje dostupnih finansijskih izvora finansiranja					Služba za obrt, razvoj, poduzetništvo i poljoprivredu	Opcina Bosanski Petrovac	30 novoosnovanih obrta u periodu od 3 god.	30.000	30.000	30.000	90.000	0	0	90.000	Federalni zavod za zapošljavanje
Mjera 1.2.2. Unapređenje poslovne infrastrukture i promocija općine za privlačenje novih investicija	x							100.000	50.000	100.000	250.000	50.000	0	200.000	
1.2.2.1. Izgradnja nove i unapređenje postojeće infrastrukture u Poslovnim zonama	da				Služba za stambeno-komunalnu djelatnost, vodoprivredu i zaštitu okoliša	Poslovne zone općine Bosanski Petrovac	privlačenje domaćih i stranih investitora-jedan novi investitor 50 uposlenih radnika	100.000	50.000	100.000	250.000	50.000	0	200.000	Ministarstvo privrede USK-a Fond za zaštitu okoliša
Prioritet 1.3. Efektuiranje turističkih potencijala na području općine Bosanski Petrovac	ne							95.000	95.000	95.000	285.000	40.000	0	245.000	
Mjera 1.3.1. Promocije turističke i kulturne ponude općine Bosanski Petrovac					JU Centar za kulturu i obrazovanje Bosanski Petrovac	Opcina Bosanski Petrovac	Organizovane godišnje manifestacije po planu i programu obilježavanja značajnih dana za	60.000	60.000	60.000	180.000	20.000	0	160.000	Federalno ministarstvo kulture i sporta, Ministarstvo privrede USK-a
1.3.1.1. Manifestacija Bosanskog Petrovaca								60.000	60.000	60.000	180.000	20.000	0	160.000	

	Mjera 2.2. Izgradnja komunalne infrastrukture i unapređenje kvaliteta i efikasnosti javnih usluga				1.335.000	885.000	885.000	1.125.000	1.475.000	0	1.450.000	0		
Mjera 2.2.1. Izgradnja prve mreže infrastrukture					510.000	280.000	280.000	1.970.000	600.000	0	470.000	0		
2.2.1.1. Održavanje puteva-šetnica-seljačke puteva					Općina Bosanski Petrovac	Unapređenje kvaliteta i efikasnosti javnih usluga	50.000	90.000	90.000	270.000	270.000	0	0	
2.2.1.2. Održavanje puteva-sletnica-seljačke puteva					Općina Bosanski Petrovac	Unapređenje kvaliteta i efikasnosti javnih usluga	40.000	40.000	40.000	120.000	120.000	0	0	
2.2.1.3. Smanjenje putova u urbanom dijelu opštine					Općina Bosanski Petrovac	Unapređenje kvaliteta i efikasnosti javnih usluga	100.000	50.000	200.000	50.000	0	150.000	Vlada RS-a	
2.2.1.4. Adhaziranje seoskih zgrada Blata-Vrde					Općina Bosanski Petrovac	Unapređenje kvaliteta i efikasnosti javnih usluga	80.000	0	0	80.000	10.000	0	70.000	Federalno ministarstvo zaštine životne sredine i obrazovanje, Vlada RS-a
2.2.1.5. Adhaziranje makadamskih puteva na teritoriji opštine Bosanski Petrovac					Općina Bosanski Petrovac	Unapređenje kvaliteta i efikasnosti javnih usluga	100.000	100.000	100.000	300.000	300.000	0	200.000	Federalno ministarstvo zaštine životne sredine i obrazovanje, Vlada RS-a
2.2.1.6. Adhaziranje parkova na Naselju Škendera Kulinovića					Općina Bosanski Petrovac	Unapređenje kvaliteta i efikasnosti javnih usluga	100.000	0	0	100.000	50.000	0	50.000	Federalno ministarstvo zaštine životne sredine i obrazovanje, Vlada RS-a
Mjera 2.2.2. Elektrifikacija ruralnih područja							350.000	340.000	340.000	1.030.000	630.000	0	400.000	
2.2.2.1. Izgradnja javne rasvjete					Općina Bosanski Petrovac	Unapređenje kvaliteta i efikasnosti javnih usluga	20.000	20.000	20.000	60.000	60.000	0	0	
2.2.2.2. Održavanje javne rasvjete					Općina Bosanski Petrovac	Unapređenje kvaliteta i efikasnosti javnih usluga	30.000	30.000	30.000	90.000	90.000	0	0	
2.2.2.3. Troškovi javne rasvjete					Općina Bosanski Petrovac	osiguranja kontinuirana raspovijedanja	140.000	140.000	140.000	420.000	420.000	0	0	
2.2.2.4. Modernizacija javne rasvjete na prednjoj opštini Bosanski Petrovac					Općina Bosanski Petrovac	Unapređenje kvaliteta i efikasnosti javnih usluga	150.000	150.000	150.000	450.000	450.000	0	400.000	Ministarstvo prirode RS-a, Federalno ministarstvo zaštine životne sredine i obrazovanje
2.2.2.5. Elektifikacija selja Janjili u MZ Kapljaj					Općina Bosanski Petrovac	Unapređenje kvaliteta i efikasnosti javnih usluga	10.000	0	0	10.000	10.000	0	0	
Mjera 2.2.6. Unapređenje vodovodne infrastrukture i vodenosнibverzije stanovništva na području opštine Bosanski Petrovac							380.000	200.000	200.000	780.000	0	0	780.000	
2.2.3.1. Izgradnja vodovoda Podzid					Općina Bosanski Petrovac	Unapređenje kvaliteta i efikasnosti javnih usluga	100.000	100.000	100.000	300.000	0	0	300.000	Republikski sekretarijat Vlada RS-a
2.2.3.2. Rekonstrukcija vodovodne mreže za naselje Revnički MZ Kolančića III					Općina Bosanski Petrovac	Unapređenje kvaliteta i efikasnosti javnih usluga	100.000	0	50.000	150.000	0	0	150.000	Federalno ministarstvo zaštine životne sredine i obrazovanje
2.2.3.3. Izgradnja novog voda curenja i vodovodne mreže Baraćevac-Petrovac na selu Baraćevac MZ Šipog ponosno kolacije na bliskojem pogonu MZ Šipog područje izvještice Selci I II, Izvorite Soca					Općina Bosanski Petrovac	Unapređenje kvaliteta i efikasnosti javnih usluga	100.000	100.000	50.000	250.000	0	0	250.000	Ministarstvo prirode RS-a, Federalno ministarstvo zaštine životne sredine i obrazovanje
Mjera 2.2.8. Unapređenje rada u organizma uprave							95.000	75.000	75.000	245.000	245.000	0	0	

Broj 3.2.1. Energetska efikasnost i promocija obnovljivih izvora energije													
2.1.1. Energetska efikasnost -obnova i izgradnja													
Služba za stambeno-komunalnu djelatnost, vodoprovod i zaštitu okoliša	Općina Bosanski Petrovac	Provđene mjere energetičke efikasnosti		150.000	250.000	150.000	550.000	50.000		0	500.000		
Služba za stambeno-komunalnu djelatnost, vodoprovod i zaštitu okoliša	Općina Bosanski Petrovac	Provđene mjere energetičke efikasnosti		50.000	50.000	50.000	150.000	0		0	150.000	Fond za zaštitu okoliša	
Služba za stambeno-komunalnu djelatnost, vodoprovod i zaštitu okoliša	Općina Bosanski Petrovac	Provđene mjere energetičke efikasnosti		100.000	200.000	100.000	400.000	50.000		0	350.000	Fond za zaštitu okoliša, Varaždin a	
Služba za stambeno-komunalnu djelatnost, vodoprovod i zaštitu okoliša	Općina Bosanski Petrovac	Provđene mjere energetičke efikasnosti		50.000	50.000	50.000	150.000	0		0	150.000	Fond za zaštitu okoliša, Ministerstvo za građevinu, prestoni uređenje i zaštitu okoliša UŠZ-a	
Broj 3.2.2. Promocija životnih i ekoloških oblika prevoza													
2.2.2.1. Izgradnja biciklističkih staza													
UKUPNO:		3.716.350		3.203.550		4.540.150		9.994.050		0	5.553.500		

Dodata novih redova za dodatne strateške ciljeve, prioritete i mјere ončilko koliko ih je u strateškom dokumentu i prilagoditi formale.

Za projekte koji u strateškom dokumentu imaju
kategoriju strateški projekat kod unosa oznake
projekti uključiti oznaku strateškog projekta (npr.
1.1.3.5).